



*Jumat, 13 Agustus 2021*

**Ogen: Lukas 16:10-11**



**Tutus I Bas Si Kitik**



**S**ekalok anak ngaloken bingkisen celengen i bas wari natal. Nina guru sekolah mingguna maka ia harus nabung sisa uang jajan. Si itamaken ku bas celengen e arus sen si kitik. Ibegiken ras idalanken anak e me kai si ikataken guruna. Kune ibere orang tuana ia jajan sekolah, anak enda la pernah lupa guna nabungkenca sada bagin. La terjeng si e, recehen sisa belanja nande bage pe recehen si lit i bas kantong bapana pe, ipepulung dingin imasukkenna ku bas celengen. Kenca dua tahun, enggo mberat celengen ndai e maka ibuka ras ikira me ulihna. Melala rupiah si terpepulung anak enda ndai, banci nukur laptop si mbaru.

Nina Bunda Theresia "*setialah dalam hal-hal kecil karena di dalamnya terletak kekuatan anda.*" Melala enggo kesaksin kerna si kitik, si la iperhitungken, entah si kurang ergana si akap, tapi mereken ngaruh si mbelin kal ku bas kegeluhenta. Wari enda Jesus mulihi mpersingeti kita maka " ise si tutus i bas si kitik, tutus ka nge i bas si mbelin." Lit erti si terbagesen kerna si enda eme adi i bas doni enda pe kam erdahin alu tutus, bujur, ras ertanggungjawab ugapa pe ibereken Dibata man bandu si terbelinen e me kiinirajan Surga. Doni enda situhuna kitiksa jadi sikerajagenta, sabap enggo isikapken Dibata kinirajanNa guna kita. Saja, tupung kita i bas doni enda denga tuduhkanlah biak anak-anak Dibata eme tutus i bas si kitik nari. Lit pe singatakenca "*semua berawal dari nol, atau yang terkecil.*" Adi bage kai pe labo banci mis sikap, jore, entah mis mbelin ulihna. Tapi adi iusur-usur ugapa pe rulih. Em ikataken tutus, nunut, la murah leja, entah ngelabuh. Biak tutus perlu kal ipebelin apai ka i bas masa pandemi enda, sabap banci perkara si kitik mereken ngaruh si mbelin. Biak tutus e me niat kalak si erpengarapen.